

B O S N A I H E R C E G O V I N A
FEDERACIJA BOSNE I HERCEGOVINE
U N S K O - S A N S K I K A N T O N
OPĆINA BOSANSKA KRUPA
JEDINSTVENI OPĆINSKI ORGAN UPRAVE
OPĆINE BOSANSKA KRUPA

Broj: 01-11-7-3968/20
Bosanska Krupa, 24.6.2020. godine

Na osnovu Programa javnih radova na području općine Bosanska Krupa „Javnim radom za zajednicu i čist okoliš“, broj: 01-19-3910/20 od 22.6.2020. godine, Općinski načelnik općine Bosanska Krupa, objavljuje:

JAVNI POZIV

za prijavu kandidata za Program javnih radova na području općine Bosanska Krupa „Javnim radom za zajednicu i čist okoliš“

Pozivaju se zainteresovane nezaposlene osobe sa područja općine Bosanska Krupa da se prijave za **obavljanje javnih radova** na području općine Bosanska Krupa **uz naknadu**.

Javni radovi podrazumijevaju uređenje obala rijeka Une i Krušnice, izletišta Šujnovac, Velike ade, te starogradskih tvrđava / starih gradova u Bosanskoj Krupi i Jezerskom, naročito poslove kao što su: sječa i krčenje samoniklog granja i šiblja, uklanjanje i odvoz granja, prikupljanje otpadnog materijala.

Javni radovi će trajati 25 (dvadeset pet) radnih dana, a odvijat će se u periodu juli-septembar 2020. godine i to prema dinamičkom planu kojeg će utvrditi nadležna služba Općine Bosanska Krupa i JKP „10. Juli“ d.o.o. Bosanska Krupa.

Za nezaposlene osobe koje će obavljati javne radove **ne zahtijeva se posebno znanje i stručna osposobljenost, jedini uslov je da se nalaze na evidenciji nezaposlenih Javne ustanove «Služba za zapošljavanje Unsko-sanskog kantona» Bihać, Biro rada Bosanska Krupa i da su radno sposobni.**

Zainteresovana lica, a koja ispunjavaju uvjete mogu se prijaviti:

- putem telefona broj 037/ 961-464, 037/464-467,
- putem e-mail adrese boskrupa.opcina@gmail.com ili
- pisano putem u Centru za pružanje usluga građanima na prijavnom obrascu koji se može dobiti na info pultu Općine.

Općina će službeno izvršiti provjeru ispunjavanja uvjeta kandidata i sa odabranim kandidatima će se zaključiti ugovor kojim će se definisati prava i obaveze ugovornih strana. Angažiranim osobama Općina Bosanska Krupa će osigurati ishranu tokom rada kao i sredstva i opremu za rad.

Javni poziv ostaje otvoren 5 dana računajući od dana objave na internet stranici Općine, odnosno do popunjavanja potrebnog broja lica za javne radove.

Javni poziv će se objaviti na internet stranici Općine, oglasnim pločama i na Radio Bosanska Krupa.

Dodatne informacije se mogu dobiti putem telefona broj 037/961-464.

Dostaviti:

1. Za objavu na web Općine Bosanska Krupa
2. Oglasne ploče
3. Radio Bosanska Krupa
4. a/a

